





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL. 1.7.93/a





Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a



Early European Books, Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL 1.7.93/a





Early European Books. Copyright © 2011 ProQuest LLC.  
Images reproduced by courtesy of the Biblioteca Nazionale Centrale di Firenze.  
CFMAGL, 17.93/a

DISSERTATIO HISTORICA  
DE  
**FRIDERICI,**  
DVCIS BRVNSVIC.  
ET LYNÆB.

IN  
IMPERATOREM ROMA-  
NUM ELECTIONE,

QVAM,  
P R Æ S I D E,  
VIRO

NOBILISSIMO, AMPLISSIMO ET EXPERIENTISS.

**DN. HENRICO MEIBOMIO,**

MED. D. E. JUSQVE ET HISTORIARUM

PROF. PUBL. ET ORDIN. NEC NON ARCHIA-  
TRO GUELPHICO

PRÆCEPTORE AC HOSPITE SUO  
MAXIME COLENDO

PUBLICÆ VENTILANDAM PROPONIT

Addicm Novembr. Ao. 1682.


A. & R.

**ACHAT: WILHELM SCHENCK.**

Eqv. Brunsv.

HELMESTADII,

Typis GEORGI WOLFGANGI HAMMI, Acad. Typogr.







*Serenissimis Principibus  
ac Dominis,*

**DN. RUDOLPHO  
AUGUSTO,**

**ET**

**DN. ANTONIO  
ULRICO**

**Brunsvic. & Lynæb.  
Ducibus,**

**Dominis meis Clementissimis**

**vitam, salutem, gloriam!**

**H**avebitis pietati meae, *Serenissimi Principes*, & quam Augustis Vestris nominibus inscribo Diatriben historicam, veluti studiorum meorum qualiumcunque primitias quasdam propitio ac proprio Vobis vultu admitteris. Neque enim aliud mihi aut hæc facilitas juvenilis meae ætatis, aut Vestrae naturae excellentia pollicetur, quæ post tot maximarum virtutum nomina, ad indulgentiam clementiamque Vos etiam fecit paratissimos. Equidem sentio, quid sollicitudini meae timorem objiciat, non patiemi tamen fraudi mihi esse, si, quod inopiæ meae deest, ex aliorum opulentia suppleam. Jam pridem scilicet exacti in Academia Vestra biennii rationem aliquam Vobis reddere constitueram, qua tamen potissimum id fieret ratione, antequam animi hærebam. Recordabar mox (cujus nunquam non humillimus Vasallus possum meminisse) *Domus Gvelfica*, inque ea tot maximorum Principum, quorum singularis splendor & Majestas præ multis aliis, ceu luna inter minora sidera, eminet. Non inconveniens ergo futurum putavi, si edendis pagellis luminis aliquid hinc fœnerarer, ut, quæ in se nullius, aut certe exigui pretii erant futuræ, à tantis Numinibus aliquod acciperent. Ingredientem autem mihi hunc campum non bivium, aliquod aut trivium, sed ipse, ut italoquar, labyrinthus rerum, à *Majoribus Vestris*, præclare gestarum, sese offerebat, ubi tot inter virtutum & heroi-  
corum factorum multitudinem & eminentia exempla



pla, unde ordiretur, ubi desinerem, & quam potissimum  
dissertationis materiam eligerem? vix liquebat.  
Tandem verò, quod facere si solent, quibus in ma-  
gna rerum pretiosissimarum copia conceditur o-  
ptio, imitatus, unum, quod præ cæteris ad æterni-  
tatem *Vestrarum Serenitatum* pertinere videbatur,  
elegi, nimirum; FRIDERICI, gloriosæ memo-  
riæ, *Ducis Brunsvic. & Lynaburg. in Imperatorem*  
*Romanum electionem*. Hanc rite recteque esse fa-  
ctam, nihilque Ei ad Imperatorium fastigium præ-  
ter vitæ diuturnitatem defuisse, hac quili quali corn-  
mentatione, adversus negantium invidiam, asserere  
annisus sum. Quemadmodum enim nihil tam alte-  
natura constituit, quo non invida hominum temeri-  
tas ascendere satagat, ita quoque Regale nomen,  
optimo huic Principi dubium facere quidam, alii  
plane denegare ausi sunt, sed frustra. Vos ergo,  
*Serenissimi Principes*, qui genus à Regibus ducitis &  
Imperatoribus; vitam autem & spiritum ab iis, qui  
Regibus sunt simillimi, & FRIDERICUM hunc,  
magni Progenitoris Vestri, *Bernhardi*, fratrem agno-  
scitis, hos meos conatus, utut longe infra meritum  
tanti Herois ferantur, ceu humillimi obsequii, & de-  
votissimi animi tesseram serena fronte, ut soletis,  
accipite. Tot enim Vestra jam tum in me extant  
beneficia, tot Munificentiae exempla, quot neque  
angusta hæc charta capit, neque mearum est virium,  
dignis efferre proconis. Sed in magnis voluisse  
fat est; & beneficia devota mente sæpius recolere, hoc  
demum unicum est redhostimenti genus, quod Deo.

).( 2

& Prin-

& Principibus redditur. Valet, *Principes Optimi*,  
*Patres Patriæ Clementissimi*, & meliores Trajano, fe-  
liciores Augusto res Vestras in subditorum salutem  
agite. Dabam ex Academia Vestra Julia, quæ  
est Helmæstadii, anno à reparata salute M DC LXXXII,  
11x. Decemb.

*Vestrarum Serenitatum*

*humillimus servus*

ACHAT. WILHELM SCHENCK.

THESIS





## THESIS I.



Um ad intelligendum Imperii Germanici statum maximè sit necessarium, ut Principum Familiarum origines, incrementa & prærogativæ accurate cognoscantur, tanto quidem majori cura de SERENISSIMA BRUNSVIC. ET LUNÆBURGENSIUM DUCUM DOMO notitiam aliquam acquirere mihi volui, quod non tantum illa felicitas mihi contigerit, ut sub tantis Principibus natus gentilitia feuda à tam Illustribus Dominis subjectissimus vasallus habeam, sed etiam, quod non ulla temerè Principum familia occurrat, quæ pluribus prærogativis palmam reliquis aut præripiat, aut dubiam faciat.

### II.

Quæ enim Regiæ proxima est Ducalis Dignitas, non tantum in hac domo per plura, quam in ulla alia, secula hæsit: repetenda, non ab Ottone, Puero dicto, sub Friderico II. Cæsare A. 1235. primo Duce Brunsvic. & Lynæburg. creato, sed à Welfo IV. Henrici Nigri Patre, Henrici Superbi Avo, Henrici Leonis Proavo, Wilhelmi Crassi Abavo, Ottonis Pueri Atavo. Is enim (Welfus) ab Henrico IV. Imp. Goslaræ A. 1071. Dux Bavarie creatus est, ut notat ævi illius disertus & accu-

A 2

ratus



ratus scriptor, *Lambertus Schafnaburgensis* ad annum modo dictum. Ab illo igitur tempore Duces fuerunt Welfi posteri ad nostra usque tempora: nec minus Welfus ille Azone Marchione Atestino genitus maioribus in Italia potentibus lateque dominantibus ortus est.

III.

In origine quidem Atestinorum Principum describenda Historici non conveniunt inter se, deficientibus monumentis, ex quibus clarè deduci possit: aliis proinde ab Italis, Romanisque: aliis à Germanis: aliis à Francis ortus eorum repetentibus. Ex quo ipso, quod scilicet tam potentis familiæ origo ignoretur, antiquitatis non leve signum desumere licet. Sufficiat interim nobis, quod in *Alphonfi Ferrariæ Ducis Historia* P. Jovius in principio scribit, *omnium, quæ in Italia certum & diuturnum Principatum tenuerint, vetustissimam existimari*. Videas tamen nonnullos hîc multum sibi indulgere, dum vel fabulosa adducunt, vel verosimilia quidem, nullis tamen certis documentis probata, supplente ingenio jacturam, quæ à defectu Historicorum orta. Ut autem in omni rerum gestarum annotatione, cujus anima veritas, turpe est falsa admiscere, & citra certam scientiam quicquam dicere, ita imprimis in Genealogiis concinnandis tolerari id minimè debet: indignissimum vero est, Illustribus Familiis, evidenti & omnibus nota Majorum gloria splendentibus, ex vanis conjecturis inferere alios; hoc plerumque mendacii præmio, ut fraude deprehensa, deinde etiam nec ea fidem inveniant, quæ maximam merentur.

IV.

Nondum igitur satis sese mihi approbare potuerunt,



unt , quæ de Atestinorum Principum familia vulgo  
circumferuntur, nec etiam ea, quæ de illorum, & Du-  
cum Brunsvic. Regia seu Imperatoria origine, ab ipso  
Carolo M. recta quidem linea masculina, *Gabriel Buce-*  
*linus in Germania Topo-Chrono-Stemmato-graphica,*  
*part. 3. p. 39.* & alibi, notavit. In eo quidem omnes con-  
veniunt, nullo etiam superstite dubio, *Welfi IV.* Ducis  
Bavariæ patrem fuisse *Azonem* Atestinum. Huic deinde  
*Hugonem* Marchionem Tusciæ, & Hugonipatrem dant  
iterum Principem Tusciæ, sed quem diversis nomini-  
bus appellant, *Obertum, Albertum, Albertarium, Sigis-*  
*bertum, Sigisbertarium.* Hunc *Bucelinus* diligentissi-  
mus, quamvis sæpe nimis audax, Genealogus, putat  
esse *Hubertum* illum, Tusciæ Principem *Luitprando* me-  
moratum, qui filius *Hugonis*, Regis Italiæ aliquamdiu  
potentissimi. Hugonem vero idem *Bucelinus*, tecutus  
forte *Sigonium l. de regno Ital. ad A. 926.* & *Onuphrium*  
*Panvinium l. 3. Princip. Roman. p. 181.* *Chytraeum*, aliosq;  
Lotharii Comitis Provinciæ seu Arelatensis F. Lotharii  
Regis Lotharingiæ N. Imperatoris Lotharii Pro N. Lu-  
dovici Pii Ab N. Caroli M. Adnepotem facit. Ut ita his  
suppositis, videatur *Welfi*, Ducis Bavariæ, & omnium  
hodie Ducum Brunsvic. & Lyneb. origo Carolina, non  
interrupta masculina serie, satis esse manifesta.

V.

Verum objicit nonnulla Nobiliss *Joh. Justus Winc-*  
*kelmannus* Genealog. Brunsvic. p. 38. 39. quibus con-  
jecturas *Bucelini* infringere conatur, quæ tamen nec  
probare nunc possum, nec refellere animus est. Pro-  
vocat enim *Bucelinus* ad quædam Diplomata sibi visa,  
ex quibus *Sigisfridum, Albertum, Ubertum, eundem*  
esse,

A 3

esse,



esse, variante tantum manu scriptorum, probare vult: cum autem illa publicè non extent, iudicium interponere difficile est. Frustra tamen negatur, Hugonem Regem Italiae habuisse filium, qui Hubertus dictus & Marchio Tusciae fuerit. Cui enim potius credemus, quàm *Luitprando*, qui non illo tantum tempore vixit, sed etiam inter ministros aulae Hugonis Regis fuit, quique integros penè libros historiae huius Hugonis impendit. Ita verò ille *Historiar. lib. 3. c. 5. de Hugone. Habuerat sane tum temporis ex quadam muliere nobilissima, vocabulo Wandelmoda, filium, nomine Hubertum, qui nunc usque superest, & Tusciae provinciae potens Princeps habetur, cuius acta suis in locis, domino propitio, exponentur.* Quod si acta illa extarent, de posteris Huberti fortassis res esset clara, & veritas collocari in aprico posset: illis interim deficientibus sufficiat Hubertum Hugonis filium asseruisse, testimonio tam indubitato. At *Bucelinus*, quando in *German. Topo-Stemmato-Graph. Part. alt. in Histor. Agilolfing. p. 388 & 396.* Hugoni Regi ex conjugè Marocia Alda hunc filium natum scribit, errat, & à *Luitprando* refellitur.

## VI.

Deinde de Hugonis Regis origine Carolina per seriem Masculinam multa etiam adhuc apud me sunt dubia, quamvis clarissimos & diligentissimos Historicos Italiae Sigonius Onuphriumque illa sententia habeat Autores, & *Bucelinus* scribat, neminem mortalium hucusque esse repertum, qui Hugonem Lotharii III. filium neget. Luitprandus, quod mirum est, Hugonis Regis patrem nullibi nominat, sed matrem tantum, Bertam, quæ



5  
quæ deinde Adelberto Tuscorum Marchioni præpo-  
tentissimo nupserit: interim tamen ex *Francorum ge-  
nere* fuisse l. 3. c. 5. & *Provincialium & Arelatensium  
potentissimum comitem* l. 3. c. 3. annotat, sed nulla ad-  
jecta mentione, quod ex Caroli M. prosapia fuerit: ne-  
que legas, Principem illum ambitiosissimum, & regno  
Italiæ Romanoque inhiantem unquam suis conati-  
bus à genere Carolino colorem, aut titulum à Magno  
Atavo petiisse, facturum sine dubio, si masculina serie  
à Carolo M. descendisset. Alii igitur Hugonem qui-  
dem à Carolo, sed per matrem *Bertam* deducunt, quæ  
*Thetbaldo* Arelatensium Comiti nupta filium Hugo-  
nem ipsi pepererit, Bertæque patrem dant Lothari-  
um Regem, avum Lotharum Imperatorem, Proavum  
Ludovicum Pium, Abavum Carolum M. Et hinc for-  
tassis est, quod Ludovicus IV. Imp. in Diplomate Re-  
megario Episcopo Valentensi dato, *inclytum Ducem  
ac Marchionem Hugonem, propinquum suum vocat,*  
quippe qui matrem habebat Hermingardin Ludovici  
Balbi filiam. Vide Hugonis Regis genus deductum in  
Tabula apud *Blondellum* in plenior adsertion. *Carolin.*  
*sang.* p. VI.

VIII.

Reiectis igitur licet illis, tanquam incertis, tamen  
fatis constat, à longo tempore Serenissimorum Du-  
cum nostrorum Progenitores, Duces & potentes per  
Europam Principes fuisse. Id vero etiam notari me-  
retur, frequenter admodum per matres, qua Regium,  
qua Imperatorum sanguinem in filios nepotesque  
transiisse. Nam Wulshildis, Magni, Billingorum ulti-  
mi, Saxoniae Ducis filia, quam Henricus Niger, Dux  
Ba-



Bavariæ ( non Henricus superbus , ut *Pfannerus l. de præcip. German. gent. c. 4. p. 189.* scribit ) uxorem duxit, & cum ea primus Saxoniarum terrarum partem aliquam accepit, à Matre & Avia paterna Regio Hungarico & Normannico Stemmate oriunda fuit. Henricus verò, Superbus dictus, Bavariæ item & Saxoniarum Dux, Gertrudin, Imperatoris Lotharii & Rixæ, cujus Protritavus Henricus Auceps Imperator, filiam, ex eaque Henricum Leonem, qui vicissim ex Mechtildæ Henrici II Regis Angliæ filia, Wilhelmum, & ille ex Helena, Waldemari I. Daniæ Regis filia, Ottonem, Puerum dictum, genuerit. Ut ille quidem Otto, primus Dux Brunsvic. & Lynæb. omniumque dein Ducum nostrorum progenitor, Avum Regem Daniæ, Proavum Regem Angliæ, Abavum Imperatorem Romanum habuerit.

IX.

*Chronica Welforum & Urspergensis Abbas*, Welfo etiam, Henrici Nigri patri, uxorem dant Reginam Angliæ, Juditham: id quod tamen tolerari nequit. Fuit enim uxor ejus Juditha quidem appellata, Baldvini Pii Comitis Flandriæ ex Adela Francica filia, sed nunquam Regina Angliæ. Nupsit illa primo Toctico, Haraldis Regis Angliæ, fratri majori natu, cui jure imperium debebatur, ab Haraldo tamen præreptum, in quem proinde Gvilelmum, Normanniæ Ducem, Mathildæ, uxoris suæ Judithæ sororis, maritum concitavit, qui deinde sub nomine Gvilelmi Conquestoris regnum Angliæ tenuit, ut hujus quidem uxor Mathildis, non autem soror ejus Juditha, Regina Angliæ fuerit. Interim illa cum Regia Anglicana Domo per Hen-



Henricum Leonem & Mathildem conjunctio, cujus  
antea memini, indubitata est. Henrici enim Leonis  
uxor secunda Mathilda Henrici Regis Angliæ filia fuit,  
soror Johannis Regis, amita Henrici Regis & Richardi  
Imperatoris Pomanorum electi. V. Mathildis Genea-  
logiam apud *Davidem Blondellum Genealog. Francic.*  
*præfat. Apologetic. xxxv 4.*

X.

In conjunctiōe Henrici Leonis posterorum cum  
Regiis filiabus Danicis, turbant quidem nonnihil Da-  
nici Historici, *Huitfeldiusq;* & illum secutus *Joh. Isaac.*  
*Pontanus* in Historia Danica, non tantum in nominibus  
errant, sed in re ipsa quoque, cum tamen ex Annali-  
bus nostris clara sint omnia. Id enim certum est, Ri-  
chensem, (quam male alii nominant Mathildam aut  
Gertrudin) Henrici Leonis ex prima uxore Clementia  
Zaringia filiam, Friderici Sveviæ Ducis viduam, al-  
tero matrimonio locatam esse Canuto, Waldemari I.  
filio, dein Regi. Hoc quoque certum, Helenam  
(quam alii Adelhaidin vocant) Waldemari I. Regis fi-  
liam, nupsisse Wilhelmo Crasso, Henrici Leonis f. ei-  
que peperisse Ottonem, omnium Ducum nostro-  
rum progenitorem. At verò Waldemarum II. In-  
geburgam, Henrici Leonis filiam, uxorem habuisse,  
falsum est, cum nulla Annalibus nostris nota sit Inge-  
burga, Leonis filia. Id tamen invenio, Ottonem IV.  
Imperatorem fratris sui Henrici Palatini filiam Wal-  
demaro despondisse: an tamen domum ea ducta fue-  
rit, non ausim dicere, cum deinde Margaretham ex  
Regio Bohemorum sanguine, & postea Berengariam  
Flandricam uxorem habuerit. Erratigitur *Reusnerus*  
quoque, qui in suis Genealogiis Ottonis IV. filiam  
B alteram

alteram Mariam nuptam Waldemaro scribit, cum re-  
tè illum improlem decessisse *Cranzius* tradat *Saxon.*  
*lib. 9. c. 21.* *Johannes* vero *Isaaci* *Pontani*, dum in-  
notis *ad histor. Danie* p. 806. corrigere, quæ prius scri-  
pserat, vult, magis se confundit.

XI.

Possumus igitur in hac splendidissima Ducum no-  
strorum familia, tot Imperatores, totque Reges nu-  
merare, quot non temere in ulla alia Principum totius  
Germaniæ: Id quod ex addita tabula apparebit, in,  
qua diversis literis Reges & Imperatores notati sunt,  
omissis tamen iis, quos ex Carolino Stemmate inter-  
tos inter majores haberi dixi.

XII.

Inter illos quidem, qui, serie masculina non in-  
terrupta, ab Atestinis Principibus orti sunt, solus,  
omnium Historicorum unanimi consensu, *Otto IV.*  
*Henrici Leonis* filius, in Imperatorum Romanorum  
catalogo collocatur: Quid obstat tamen, quominus  
*Fridericum* Ducem, Magni Torquati filium, in Im-  
peratorem à pluribus Electoribus electum, quamvis,  
cæde interveniente, capeßere imperium nequiverit,  
Imperatoribus annumeremus? Non desunt etiam,  
qui Regibus adscribant *Ottonem*, *Henrici Junioris* fi-  
lium, *Henrici Mirabilis* Nepotem, quippe, qui uxo-  
rem habuit *Johannam*, *Siciliæ* Reginam, *Roberti Ducis*  
*Calabriæ* ac *Regis Siciliæ* ex filio *Carolo* nepotem & hæ-  
redem, quique, obstante licet Romano Pontifice *Ur-*  
*bano*, post triennii captivitatem, & cædem *Johannæ*,  
universa *Sicilia* & *Apulia* potitus est, quamvis deinde,  
rebus



# Otto

Saxonum Princeps qui  
German. Regnum sibi  
delatum recusavit

Henricus Auceps  
Rex Germanorum

Otto M.  
Imp.

Henricus Rixosus  
Dux Bavar.

Otto II.  
Imp.

Henricus  
Hezelo Dux  
Bavar. Gif-  
læ Conradi

Bruno  
Comes.

Hermannus  
Comes.

**Otto**Saxonum Princeps qui  
German. Regnum sibi  
delatum recusavitHenricus *Auceps*  
Rex GermanorumHenricus Rixofus  
Dux Bavariz.Henricus  
Hezelo Dux  
Bavar. Gif-  
læ *Conradi*  
R. *Burgund.*  
maritus.Bruno  
Comes.Hermannus  
Comes.Bruno  
ComesLudolfus  
ComesEcbertus  
Comes &  
Marchio

Gertrudis

Sifridus

Otto Dux  
Bavar. &  
Saxon.Henricus  
Crassus  
Northemi-  
us.Ortolfus ma-  
ritus filiz O-  
laph. R. *Nor-*  
*mannor.*Maghus Dux  
Saxon Billin-  
gor. ultimusSophia  
Geisa II.  
R. *Unga-*  
*rie* fil.Welfus VI.  
Dux Bavariz**Azo**

Attestinus

Wulfhildis

Henricus Ni-  
ger Dux Ba-  
variz.

Gertrudis

Henricus  
SuperbusJuditha uxor  
Friderici Ducis  
Svevia.

Fridericus I. Imper.

Henricus II.  
R. AnglieHenricus VI. Philippus  
Imper. Imper.Henricus  
LeoMechtil-  
disJohannes  
R. Angl.Fridericus  
II. Imp.Conradus  
IV. Imp.Henricus  
R. Angl.Richardus R.  
Rom. electusValdemarus L.  
Rex Danie.

Henricus Palatinus.

Otto IV. Imper.  
Romanor.

V Vilhelmus

Helena

Agnes

Otto VI.

Otto Dux primus  
Br. & Luncb.Ludovicus II.  
Severus filiz  
Radolphi I.  
Imp. maritusLudovicus IV.  
Imper.

Albertus Magnus.

Elisabeth

Henricus Mi-  
rabilis.

Albertus Pinguis

Vilhelmi  
Hollandi Imp.  
uxor.Henricus Ju-  
nior.

Magnus Pius.


Magnus Torquatus

Otto Rex Nea-  
politanus.Fridericus Rom.  
Imper. electus.



rel  
cel

Im  
nor  
que  
stor  
terr  
tio  
mo  
reus  
bus  
por  
rum  
Bru  
ut d  
& Bi  
mor  
ab  
Frid  
logo  
nost  
mag  
auth  
per at  
cum  
perii  
Ele  
Impe  
lat an





rebus nimium turbatis, senior ipse, utroque regno  
cesserit, solo Principatu Tarentino contentus.

X. II.

Verum, missis reliquis, de *Friderico*, ejusque in  
Imperatorem electione nunc agere decrevi, cum illa  
nontantum propter multas circumstantias, eventum-  
que tristem, valde memorabilis sit, sed à plerisque Hi-  
storicis, qui Cæsarum res gestas descripserunt, præ-  
termittatur; unde & *D. Præses* nuper in publicis le-  
ctionibus historiam ejus ex idoneis & minus obviis  
monumentis plenius explicuit. *Cuspinianus*, Cæsa-  
reus Historicus & orator, in suis de Imperatorum re-  
bus gestis egregiis Commentariis, quando ad illa tem-  
pora pervenit, quibus Wenceslao Imperium abroga-  
rum, aliique illi suffecti sunt, non tacet *Fridericum*  
*Brunsvicensem*, sed egregia de ejus electione annotat,  
ut dein videbimus. *Petrus Lambecius* Consiliarius  
& Bibliothecarius Cæsareus, antepauos annos demum  
mortuus, in addit: ad *Diarium Sacr. Itin. Cellensis*,  
ab *Augusto* nostro *Leopoldo I* suscepti p. 286. cum  
*Fridericum Pulchrum Austriacum* ex Cæsarum Cata-  
logo à multis male excludi demonstrasset, de *Friderico*  
nostro idem asserit. Verba ipsa ob celeberrimi Viri  
magnam eruditionem, & in rebus quoque Historicis  
authoritatem, huc facientia describam: *Catalogo Im-  
peratorum Romanorum non est excludendus, quippe,  
cum certo constet, si quis secundum constitutionem S. Im-  
perii Romani, quæ Aurea dicitur Bulla, vel ab omnibus  
Electores, vel à majori & potiori eorundem parte in  
Imperatorem rite eligatur, ipse autem iis consentiendo ob-  
latam S. Imperii commissionem acceptet, & pro Imperatore*  
B 2 se

se gerens, uni-versis, & singulis Principibus Electoribus Ecclesiasticis & Secularibus omnia ipsorum jura, privilegia, dignitates, consuetudines sine mora ac contradictione confirmet, hoc facto, etsi ne Germanica quidem adhuc subsecuta sit coronatio, revera tamen illum jam esse Imperatorem, ideoque haut injuria titulo quoque Imperatoris condecorandum esse. Et ne quis objiciat, Imperatorem *Fridericum*, Maximiliani Patrem, (qui, uti communiter vocatur, ipse quoque se *Fridericum Tertium* scripsit) hac appellatione tam *Fridericum Austriacum*, quam *Fridericum Brunsvicensem* ex numero Imperatorum voluisse excludere, *Friderici V.* nomine alias insigniendum, docet, id ipsum factum tantum esse, respectu Coronationis Pontificæ, quam priores duo *Friderici I. & II.* non autem posteriores duo, *Fridericus Pulcher & Fridericus Brunsvicensis*, ipse autem tertio loco consecutus sit.

XIV.

*Fridericus* autem, de cujus nunc electione & cæde dicemus, Patrem habuit Magnum Torquatum, reliquosque majores, qui in tabula superiori designantur. Id quod quidem ex nostris monumentis certissimum est; ut facile pateat, aliud egisse Virum longe doctissimum *C. A. Rupertum in observ. ad Synopsin Besoldi. p. 704.* Recte quidem ibi castigat *Besoldum*, quod *Fridericum* legitimum Principem in Synopsi minori omiserit, & contra nominaverit Judocum Barbatum Marchionem Brandenburgensem, quem Moguntinus & Coloniensis Cæsarem quidem dixerint, sed consilio inani: in genealogia tamen *Friderici* errat, dum eum Henrici Palatini, qui Ottonem IV. Imp. fratrem habuit,



13.  
buit, trinepotem vocat, Henricus enim Palatinus ille  
filios non habuit, ejus vero frater Wilhelmus. Crassus  
dictus, familiam propagavit, *Friderici* tritavus.

XV.

Pater ejus Magnus, Junior, Torquatus dictus, uxorem  
duxerat Catharinam, Waldemari, Marchionis Bran-  
denburgici, filiam, ex qua, præter quinque filias,  
illustribus omnes matrimoniis elocatas, quatuor filios  
suscepit, *Fridericum*, de quo nunc agimus, *Bernbar-  
dum*, *Henricum* & *Ottonem*, ex quibus cum *Otto*,  
Episcopus primò Verdenſis, dein Bremensis, ob reli-  
gionem uxorem non duxisset, *Fridericus* quoque pro-  
lem masculam non haberet, *Bernhardus* & *Henricus*  
familiam serenissimam propagarunt, *Bernhardus* qui-  
dem conditor illius Lineæ, quæ in *Friderico Ulrico*  
an. hujus seculi 34. desit, *Henricus* vero alterius,  
quæ hodieque in omnibus Ducibus Brunsvicensibus  
& Lynæburgensibus floret.

XVI.

Erant autem tum difficilia tempora, & Magnus  
Torquatus toto regiminis suæ cursu plurimis erat tur-  
bis implicitus, imprimis propter Ducatum Lynæ-  
burgensem, quem post mortem Wilhelmi Ducis sine  
masculo hærede ad se pertinere judicabat, occupante  
illum, uxoris Elisabethæ, Wilhelmi filiæ, nomine Al-  
berto Duce Saxoniae & Angariae, cui favit Imperator  
Carolus IV. eique tandem, Magno Torquato pro-  
scripto, Ducatum Lynæburgensem in feudum con-  
tulit. Mortuo autem Magno Torquato, Albertus  
Dux modo dictus viduam ejus Catharinam duxit, un-  
de, mortuo Vitrice, à Wenceslao Saxoniae Duce, Ly-  
næbur-

næburgensem Ducatum occupante, non pauca per-  
pessi sunt filii. Favit tamen fortuna, ut confœdera-  
tos contra se Principes Fridericus cum Fratre suo Hen-  
rico memorabili prælio Winsenæ ad Alleram vince-  
ret, multis captis, quibusdam occisis, in quo prælio  
Urbs Brunsvicensis auxiliares copias & comæatum  
submisit, fidelemque operam Friderico Domino suo  
præstitit, victoriæ memoriâ etiam lapidi templi Discal-  
ceatorum in urbe sua incisa. Impetrata autem est  
anno 1388. die corporis Christi.

XVII.

Quos tamen bellum ad pacem ducere non pote-  
rat Principes, eos tandem amica conjugia sibi iterum  
concordarunt. Duas enim Wenceslai Ducis Saxonie  
& Electoris sorores, Annam Fridericus, Margaretam  
Bernhardus uxores duxerunt, & ita Ducatus Lynæ-  
burgensis ad suos veteres Dominos, post septendecim  
annorum intervallum, rediit.

XIIX.

Sæpius verò etiam aliâ insignis fortitudinis spe-  
cimina ediderat *Fridericus*, recuperato feliciter Wolfen-  
bütelo ann 1384. redactis in ordinem Nobilibus in  
Episcopatu Hildesienfi, interposita etiam alibi aucto-  
ritate sua ad sopiendas lites inter Dominos de Heldrun-  
gen & urbem Erfortensem obortas. Ut ita rei mili-  
taris, prudentiæ & justitiæ insignis fama de Frideri-  
co passim in Imperio cresceret, illique toti moderan-  
do dignus à multis judicaretur.

XIX.

Accidit, ut Wenceslai ignavi Imperatoris pertœsi  
tandem Principes, *propter indecentes ac detestabiles*  
*ejus*



15  
 ejus in imperando mores ac actiones, nec non Ecclesie orbisq; Christiani defectus, incommoda atq; dissidia, gravissimas item membrorum sacri imperii avulsiones, diminutionesq; contra nominis sui dignitatem damnose factas fieriq; permissas (verba ipsissima Johannis Archiepiscopi Moguntini in sententia exauktionis & privationis Wenceslai ap. *Christianum Urstisium Histor. German. part. 2. in fine*) de illo sæpius monito, correctionemq; non moliente, exauktionando cogitarent, despicientes, quem alium tantæ parem rei eligerent. *Commoventur se iterum fata Germaniæ* (inquit eleganter celeberrimus Bæclerus in incomparabili Panegyrico, Serenissimo gloriosæ memoriæ AUGUSTO Duci Brunsvic. & Lynæb. Germaniæ Nestori ante triginta octo annos scripto) *Et ruebat imperium super Imperatorem, cum è Magni Torquati sobole Fridericus ille, cunctis ingenii dotibus, animiq; artibus eminentissimus Princeps, unus maxime visus est idoneus, qui pollutam Wenceslai probris Rempubicam pristino nitore vindicaret.*

XX.

Agendum autem est de hac Electione Friderici tanto accuratius, quanto vulgò indigentius ab Historicis proponitur, multique illam plane omittunt, Rupertinæ electionis, quæ postea facta est, tantum ad annum illum 1400. memores. In eo tamen omnes, qui ejus meminerunt, concordēs sunt, factam esse *Francofurti* ab Electoribus in conventu celebri non Eorum tantum, sed aliorum quoq; Principum, & quidem *Mense Majo*. Ex quo quidem statim patet, non satis distinctè rem proponere, qui ita eam narrant, ac si  
 Wences-

Wenceslao deposito subrogatus sit Fridericus. So-  
lemnis enim illa depositio Wenceslai per Moguntinum  
demum publicata est mensis Augusti 20. die, cum  
Electio *Friderici* ad Majum Mentem pertineat. *Quæ-*  
*siverunt scilicet*, ut verbis utar *Gobelinæ Personæ*, illis  
temporibus ferè coævi, qui posset & vellet contra  
*Wenceslaum regnum vindicare, defendere & reforma-*  
*re*, ipsum verò Wenceslaum nondum exauctorave-  
rant.

XXI.

Jam autem diu ante Principes Electores diversis  
ac mutuis literis Imperii res diligentius discusserant,  
pluresque deliberationes inter se habuerant, ut recte  
notat *Cuspinianus*: meminitque etiam *singularium tra-*  
*ctatum plurimorum* *Gobelinus*: cum tandem missis  
literis Principes quoque alios convocarunt. At de il-  
la convocatione valde notabile est, quod habet *Cuspi-*  
*nianus*: scilicet, eam non esse factam à Moguntino Ar-  
chiepiscopo & Electore, sed à Ruperto Palatino, qui,  
ut nascenti occurreret calamitati, ex officio suo impe-  
rii Principes ad publica convocavit comitia. *Non-*  
*dum enim, inquit, Aurea Bulla Caroli firmata erat, qua*  
*hodie Electores in convocandis Principibus utuntur, qua*  
*Moguntinus, defuncto Cæsare, pro novo substituendo,*  
*imperii proceres accersit.* Est autem magna apud me  
authoritas *Cuspiniani*, toties Oratoris Cæsarei, & re-  
rum Imperii periti, ideoque negare equidem hoc nec  
ausim, nec velim: eodem tamen anno eundem Mo-  
guntinum Archiepiscopum sui officii, juxta præscri-  
ptum *Auræ bullæ*, satis fuisse memorem, docet sen-  
tentia exauctorationis Wenceslai ab ipso publicata, cu-  
jus



17  
jus ante memini, ubi *sufficienter exoratos coelectores* id  
est convocatos, narrat. XXII.

Interim ex Electoribus constat in comitiis fuisse,  
præter Johannem Archiepiscopum Moguntinum,  
Rupertum Palatinum, & Rudolphum Electorem  
Saxoniae; de aliis tacent Annales. Adfuerunt præterea  
alii multi Principes Imperii, cum solemnia essent  
comitia. Quod si supponimus, omnes illos, qui Fri-  
derici, cum Francofurto redux ad Frislariam occide-  
retur, Comites nominantur, Comitiis quoque Fran-  
cofortensibus interfuisse, præter Fridericum, Bern-  
hardum Ducem Brunswicensem, fratrem ejus, Con-  
radum Episcopum Verdensensem, Sigismundum Princi-  
pem Anhaltinum, Comites de Barby, de Scrapelau,  
de Honsteine, de Schwartzemborg ab Historicis seu  
Annalistis nostris memorari invenio.

XXIII.

Fridericum igitur ipsum, his Comitiis interfu-  
isse certum est, ut de salute publica Imperii una cum  
aliis consultaret. Unde in Rythmis vulgatis & à  
Cuspiniano quoque productis, *pro Republica Fran-  
cofurt. pervenisse* scribitur: ut nesciam, quid in men-  
tem venerit Historico rerum Saxoniarum celebri, Al-  
berto Crantzio, quando Saxoniae suae lib. x. c. 9. primò  
narrat, *Robertum* Ducem Bavariae, Electoribus Impe-  
rii Francofordiae congregatis, Wenceslao deplorato  
& destituto, in Regem Romanorum esse electum, &  
dein addit, *ad hujus Principis* (sc. Ruperti) *salutatio-  
nem ascendisse Fridericum Ducem Brunsvic.* Errat enim  
graviter, quamvis sequaces habeat, *Browerumq. An-  
nal. Trever. l. 18. p. 269.* aliosque in errorem induxe-  
rit; Francofurtensia namque Comitia Mense Majo ha-  
bita



bita fuerunt anno 1400. & in iis non Rupertus in Regem electus est, sed Fridericus, & quidem die Urbani: postea sententia Exauētorationis Wenceslai pronunciata est sub castro Lonstein ad Rhenum d. 20 Mensis Augusti, cui subscripsit Rupertus, tandemque die Bartholomæi, id est 24. Augusti, ut habet vetus Chronicon Colonienſe, electus est Rupertus, mortuam dudum Friderico, ut ad illum salutandum accedere non potuerit. Id quod discere *Cranzius*, si non aliunde, ex *Gobelino* potuisset, quem sequi alias non infrequenter solet.

XXIV.

In Francofurtensibus igitur Comitibus electus est *Fridericus*, ab iis, in quorum manu Electionis negotium erat, quamvis deinde publicatio non facta, sive quod nondum exauētoratus esset publico decreto. Wenceslaus, sive, quod publicationem impediret Moguntinus Elector. *Cuspinianus* diserte scribit *designatum esse Regem*. *Chronicon Saxonicum vetus*, quod vernacula lingua incerto auctore Moguntiae a. 92. seculi decimi quinti publicatum est, ineptè vero deinde Magdeburgi versum & editum, quod *vulgaris & picturata Saxonum historia* nomine citat *Paulus Langius in Chron. Citicensi. in princ.* Chronicon illud, inquam, electionem *Friderici* factam, diserte asserit, publicationem vero impeditam à Moguntino Electore odio erga Fridericum: unde factum, ut quidam Annalistæ prætereant planè hanc *Friderici* electionem, & *Gobelinus Persona* quoque *Electionis negotium non plenum pro tunc sortitum effectum, & in diem alium fuisse*



19  
isse prorogatum scribat, Principibus à se invicem discedentibus.

XXV.

Discessit igitur *Fridericus* quoque, amplissimo Comitatu, *re-versurus ad coronationem*, ut habet *Cuspinianus*. Ex quibus Principes Comitesque, juxta Annalium ductum, jam tum supra *th. xx.* numeravi, quibus plures alios splendoris & ministerii causa adjunctos fuisse, nullum est dubium. *Autor der Waldeckischen Ehren-Nennung part. 1. c. 7.* ex antiquo Diario nongentos & triginta equites in comitatu illo fuisse refert.

XXVI.

Factum autem est, ut hì in via publica violenta manu invaderentur ab aliis inopinatò, & partim captivarentur, partim occiderentur; quod ultimum *Friderico* quoque contigit. Locus invasionis & cædis collocatur in *Hassia*, *haud longè à Frislaria*, aut, ut alii loquuntur, *inter Amsbrun & Frislar*, vel *ad parvum pagum Engelis*, non longe à *Frislar*, in territorio *Hassia-co in planitie*: ubi in ipso loco cædis *Friderici* erectam fuisse altam crucem lapideam, notat *Chronicon Hassiæ* p. 221.

XXVII.

Diem infelicis casus exprimunt *Engelhusius*, *Chronicon Saxonicum vernaculum*, aliique, diem scilicet *Bonifacii*, *Vigiliam Pentecostes*, *v. Junii*, & adducit eo nomine hos *Rythmos Engelhusius*.

*Est morti deditus de Brunswig Dux Fridericus.  
Vigilia festi pentaq; die Bonifaci.*

C 2

XXIIX.

## XXIX.

Autores hujus invasionis memorantur diversi, ex quibus alii consilium dederint, ipsi absentes; alii armata manu invaserint; alius denique eadem ipsam Friderici peregerit. Quae omnia distinctè considerabo, & quid pro innocentia illorum à nonnullis adducatur, in medium proferam, & examinabo.

## XXIX.

Consilii dati nomine male apud omnes penè illorum temporum scriptores audit *Johannes*, Archiepiscopus & Elector Moguntinus. Filius is erat Adolphi Comitis de Nassau, ex Anna, Friderici V. Comitis Norimbergensis filia, in quartum jam annum Archiepiscopus Moguntinus, quam eandem dignitatem patruus quoque ejus Gerlacus habuerat. Suspectus autem non vulgo tantum fuit, unde varii in eum versus, & in totam Moguntiam (quos *Cuspinianus* aliique habent) jactati; sed tantum quoque apud Friderici fratres suspicio illa pondus habuit, ut gravi bello, de quo deinde, eum peterent, omnibusque modis se purgare, & innocentiam suam probare teneretur. Et verò Henricus Comes Waldeccius, quem invasorem fuisse deinde docebitur, tum temporis Moguntino à consiliis erat, & arci Rüsteberg ab eo praefectus, seu arcis illius advocatus, ut est apud *Gobelinum*, qui ibi scribit, Waldeccium asseruisse, se de mandato ejus (*Moguntini*) hoc fecisse.

## XXX.

Solus, quod sciam, Crantzius l. c. generalius loquitur; *Ecclesiasticos*, inquit, *Principes rei fuisse conscios*, deinde tamen & ipse Moguntinum solum Archiepisco-



chiepiscopum nominat, & accusatum refert. Ad-  
dunt vero scriptores, veteres inimicitias intercessisse  
inter hunc Archiepiscopum & Fridericum, quo no-  
mine etiam electioni hujus ille obstiterit, id quod  
*Chronicon Saxonicum* narrat. Quales tamen inimi-  
citiae fuerint, & unde, nemo addit, ideoque *Grantzius*  
in antiqua tempora regreditur, cum Principum ani-  
mi diu memores injuriarum sint, putatque, Johan-  
nem Archiepiscopum voluisse vindicare Gerardum  
Archiepiscopum Moguntinum, quem Albertus Dux  
Brunsvicensis, proavus Friderici, captivum tenuit,  
nec, nisi magno aere numerato, dimisit.

XXXI.

At verò ab aliis defenditur, excusaturque Mogun-  
tinus, imprimis à *Nicolao Serrario Rer. Moguntiac. l.*  
*v. p. 868.* qui tribus argumentis utitur. Primum enim ex  
M<sup>o</sup>to libro, Johannem solenne jusjurandum præstitisse,  
cujus utiq; in occultis criminibus purgandis magna  
vis sit, scribit: quod coram Principibus factum *Gobe-  
linus* notat. Deinde ipsos illos, qui cædis comperti,  
Waldeccium, aliosque, de innocentia illius testari, in  
cujus fidem tabulas ex Moguntino Archivo producit.  
Denique à judicis ipsius, Ruperti Imperatoris, senten-  
tia, quam Norimbergæ anno 1403. Sabbato post  
beatæ virginis purificationem, in fontes tulerit, ar-  
gumentum sumit. Illas tamen tabulas, eodem in  
Archivo extantes, non producit, quod optandum  
fuisse.

XXXII.

Cogor igitur hæc suo loco relinquere, & *Serrario*  
hæc-

hactenus fidem habere: quamvis non temerè perſua-  
dere mihi poſſim, *Friderici* fratres ſine omni cauſa  
ex ſola ſuſpicionē Moguntini terras, quod dein narra-  
bitur, inſaſſe. Nec tamen admittere etiam poſſim,  
quod *Job. Bange in Chronic. Thuring.* ad ann. 1401.  
ſcribit, Fratres *Friderici* inſaſſe terras Moguntini, ea  
deſ cauſa, quod fratris eorum *Friderici* electionem in  
Cæſarem impediviſſet.

XXXIII.

Doctiſſimus *Autor der Gräſſichen Waldeckiſchen  
Ehren- Rettung p. I. c. 7.* provocat ad litteras Archie-  
piſcopi Moguntini, datas anno 1400, dominica  
proxima ante diem B. *Margaretæ*, quibus *Waldec-  
cius* propter hoc factum Archiepiſcopo reconcilietur,  
unde colligit, Archiepiſcopi juſſu *Waldeccium* id non  
feciffe. Verum, tabulis ipſis non productis, iudicium  
ſuſpendo.

XXXIV.

De *Waldeccio* Comite res certa eſt. Fuit is *Hen-  
ricus. Henrici, Ferrei* dicti, filius, *Otonis* nepos, *Hen-  
rici* pronepos, qui uxorem habuit *Elisabetham Ber-  
genſem*. Et hic, quidem non inter conſiliarios, ſed  
ipſos aggreſſores collocatur. Nec negavit factum,  
uti patet ex iis tabulis, quibus à *Rudolpho* Electore  
*Saxoniae*, *Balthaſare* itidem, & *Friderico* Landgraſſis  
*Thuringiae*, & *Marchionibus Miſniae* veniam impe-  
travit, publicatis in *der Gräſſ. Waldeck. Ehren- Rettung*  
*N. 17. 18.* aliis item tabulis; quibus Archiepiſcopum  
Moguntinum abſolvunt ab hac cæde, editis à *Nicol.  
Serrario* libr. jam tum citato.

XXXV. Nec



## XXXV.

Nec tamen Historici ullam privatam adducunt causam, quare Waldeccius Comes illam invasionem fecerit, nisi quod instinctu, seu jussu, Moguntini Archiepiscopi, cujus archi Rostenberg tum præerat, fecisse, plerique memorent. At illud jam dubium reddidimus. Juxta Annalistas igitur nullam causam habuerit.

## XXXVI.

Solus doctissimus *Autor Apologiæ Waldeccianæ* sæpius memoratæ aliam causam gravem probabiliter adducit. Scilicet, ex Ottone Duce Brunsv. & Lynæb. & conjuge ejus Margareta Meclenburgica natam filiam Mechtildin anno 33. seculi decimi quarti Henrico Comiti Waldeccensi conjugem datam: Hinc jus sibi ad Ducatum Lynæburgensem arrogasse, & mortuo Duce Ottone, Comites Henricum modo dictum, filiumque & nepotem, Ottonem & Henricum, jus suum contra Wilhelmum, successorem & possessorem Ducatus Lynæburgensis, apud Carolum IV. Imp. ur-  
sisse, eo eventu, ut per Decreta Actores, Comites Waldeccii, in Ducis Wilhelmi terras ratione centum millium Marcarum argenti puri immisionem impetrarent, subsecuta deinde proscriptione Ducis Wilhelmi. Enata postea, Wilhelmo mortuo, de successione lite inter Duces Brunsvicenses & Saxoniarum Angariaeq; cum Comites Waldeccii jus suum persequi propterea non possent, de capiendis adversariis, diffidatione præmissa, consilia agitasse, & hinc ortam illam tristem *Friderici* cædem. Ex quibus modo memoratus eruditus *Autor Apologiæ* deinde deducit, fuisse apertum

tum praelium, non verò infidias: idque probat ratione causæ, temporum, situs & loci, confligentium cohortium, & tandem animi & intentionis.

XXXVII.

Et priora quidem illa recte se habent, nostrisque etiam Annalibus non ignotum est, Præensionem à Comitibus Waldeccensibus in Ducatum Lynæburgensem propter illam Mechtildim factam esse. At tamen illa invasio hoc nomine, & ratione temporum, satis excusari possit, & cur illi illustrem cœtum, cum quo toto lites non erant, invaserint, nunc non disputo: sufficiat, Henricum Waldeccium Comitem hujus invasionis autorem esse, omnibus fatentibus.

XXXIIX.

Sed memorantur præterea alii, qui *Fridericum*, ejusq; Comites invaserint, cædemq; ipsam patrarint, nempe *Fridericus Hartingshusius* & *Cunomannus Falckoburgius*, milites seu Equites aurati. *Leerbek in Chron. Schaumb.* ad ann. 1400. *impios castrenses de Badberge* nominat, qui an iidem sint, cum modo dictis, an diversi, nescio. Fuisse autem non parvam multitudinem illorum, inde est conjicere, quoniam ab adversa parte millenarium ferè numerum impleverunt: illi autem superiores fuerunt, & hos captivarunt.

XXXIX.

Pugna ipsa vehemens fuisse scribitur, fortiter pugnantibus & contra invasores se defendentibus Principibus, cum suis. Rudolphus Elector Saxonie, filius Wenceslai, cujus sororii Duces Fridericus & Bernhardus, captus est, cum prius vulneratus fuisset. Conradus



25  
dus Soltau Episcopus Verdenfis, princeps doctissimus,  
& *S. Theologiæ Doctor*, ut *Engelhusius* notat, itidem  
captus est. Non pauci quoque alii capti sunt, usque  
ad quadringentos. Sigismundus Princeps Anhalti-  
nus, aliquot aggressoribus sua manu jugulatis, eva-  
sit: At fortissimus Princeps *Fridericus*, cum se dedere  
hostibus noller, transossus est gladio, & quidem à di-  
cto *Friderico Hartinghusio*, quod disertè notat *Chro-  
nicon Saxonicum*, aliiq̃ue.

XL.

Ita periit magno cum luctu omnium comitum  
suorum optimus Princeps, estq̃ue à suis è loco cædis  
deportatus in Monasterium Wibrechtshusanum, ibi-  
que corpus, more apud Principes recepto, exente-  
ratum, & exempta viscera in Choro ante summum  
altare, in terram recondita, & singulari lapide tecta  
sunt. Inventa ibi fuit ante plures annos lamina ex  
orichalco, in qua duo Leopardi, Ducis insignia, in  
qua hæc etiam litteræ legi adhuc potuerunt. *A.  
MCCCC. Fridericus Dux Brunsvicensis*. Deportatum  
tamen deinde reliquum corpus Brunsvigam, ibiq̃ue  
in Cathedrali Ecclesia sepultum, quod itidem notat  
*Chronicon Saxonicum vetus*.

XLI.

Quid reliquis factum sit, non satis accuratè à  
scriptoribus annotatur. Dimissos tamen omnes è  
captivitate sua ab Henrico Waldeccio, spoliis restitu-  
tis, notat *Gobelinus*, & cum eo alii. Et tum, quan-  
do è captivitate demissi, videntur tabulæ illæ da-  
tæ à Rudolpho ipso, Balthasare item, & Friderico,  
Landgraviis Thuringiæ & Marchionibus Misniæ, Si-  
gismun-

D

gismun-

gismundo quoque & Alberto Principibus Anhaltinis, in quibus Henricus Comes Waldeccius, Fridericus Hartinghusius, Cunomannus Falckenburgius & reliqui consortes, venia accepta, plene reconciliantur, productis in *Apologia Waldecciana* sæpius citata N. 17. & 18.

XLII.

Non tamen idcirco statim etiam cum Ducibus Brunsvicensibus, *Friderici* occisi fratribus, res transacta est, ipsumque factum mansit impunitum. Jam tum enim supra memini, Rupertum Imperatorem inquisitionem instituisse, Archiepiscopumque Moguntinum coactum se juramento purgare, alios etiam Moguntinum purgasse, & tandem Norimbergæ ann. 1403. triennio ferè post factam cædem, sententiam à judice Cæsare in fontes esse pronunciatam. Quæ si ex Archivo Moguntino à *Serrario*, qui ibi extare scribit, producta fuisset, de multis nos erudisset, quæ nunc ignorare cogimur.

XLIII.

*Autor* quidem *Apologiæ citatus*, probare quod vult, inter Serenissimam Domum Brunsvicensem & Waldeccensem rem esse compositam, ex eo, quod deinde Albertus & Philippus Duces Brunsvicenses uxores ex Illustri Domo Comitum Waldecciorum sibi asciverint; Id tamen post sexaginta amplius annos factum est demum. Neque verò quisquam negare potest, compositam esse deinde rem omnem, interveniente imprimis Cæsarea sententia: at tribus & amplius integris annis post mortem *Friderici*, Fratres ejus, Duces Brunsvic. & Lynæb., Henricus imprimis,



27  
mis, cum aliis confœderatis Principibus, bellum  
grave cum Moguntino Archiep̃scopo & Comite  
Waldeccio gesserunt, aggressoresque persecuti sunt,  
necem fratris ulturi. De quo bello, cum Anna-  
les nostri pleni sint, ego quoque nonnulla hic ad-  
dam.

XLIV.

Scilicet altero post cædem factam anno, Henri-  
cus Dux Brunsvicensis, Friderici frater, magnum  
exercitum coegit, in quo tredecim millia armato-  
rum fuisse notat Engelhusius. Confœderati autem  
cum ipso erant, & copias suas cum eo conjunxerant,  
præter Fratres, Ducem Bernhardum & Ottonem  
Episcopum Brémensem, (non Hildesheimensem, ut  
male Cuspinianus.) Hermannus Hassiæ Landgrafius,  
& fere omnes Duces, Comites & Barones Saxonie,  
ut inquit Gobelinus. Ottonem Ducem de Leina,  
ex eadem familia, adfuisse, Crantzius scribit l. 10.  
Sax. 20. Qui urbis Heiligenstadii ad Geisledæ & Lei-  
næ fluenta obsidio inter fuerint, eorum distincta me-  
moriam servatur in versibus, productis à Cl. Gudenio  
hisor. Erfurt. l. 2. p. 127.

*De Brunsvik Henrich Dux, Otto Princeps il-  
lustris,*

*Herman Hassorum, Balthasar Princeps Thuringo-  
rum,*

*Marchio de Missen Wilhelmus cum sua turma;  
Anhalt, Mansfelt, Reinstein, Querfurt, Glei-  
chen, quog, Honstein,*

*Alii quam plures hanc urbem circumvallantes.*

D 2

Cum

Cum autem variæ & diversæ fuerint expeditiones, qui quolibet tempore adfuerint, distinctè dicere non possum, continuo per aliquot annos b. llo. Unus, quod sciam, *Engelhusius* adfuisse quoque Henrico memorat *Regem Sveciæ*, quem Albertum, Ducem Meclenburgensem, fuisse arbitror. Quamvis enim huius expeditionis tempore Rex Sveciæ fuerit Ericus Pomeranus, tamen Albertus Meclenburgicus, qui quondam Rex Sveciæ fuerat, & à Margareta Regina eo exclusus, isto nomine regio adhuc appellabatur. Tanto autem similis vero est, Albertum hunc indigitari ab Engelhusio, quoniam is *Friderici* sororem, Magni Torquati filiam, Helenam, uxorem duxerat. *Cl. Spenerus* enim corrigendus hic est, quando Albertum Sveciæ Regem jam ann. 1394. obiisse scribit *Sylloge Genealog. p. 712.* cum ejus codicillos duos anno 1409. datos adhuc referat *Isaac. Pontanus. hist. Dan. p. 537.* satisque constet, eum diutius adhuc vitam produxisse.

#### XLV.

Vis autem belli illius incubuit in Moguntinum & Waldeccium, quorum terræ vastatæ sunt. Cuspinianus paucis: *Moguntinos ferro & igne vastavit (Henricus) ut etiam hodie cernantur ruinae*: Videtur autem magnus ille exercitus, qui prima vice irrupit, propter commeatus inopiam, non potuisse ibi subsistere, ideoque dilapsus esse, quod notant *Engelhusius & Godelinus. Chronicon Saxonie. vernaculum* addit, Principes cum exercitu suo expectasse Moguntinum, qui se venturum sæpius significaverat, non  
venisse



venisse autem, & ita Principes se & sua consum-  
pisse.

XLVI.

Redintegrarunt autem sequentibus annis bel-  
lum, notatque ad ann. 1403. *Gobelinus*, illud perfe-  
verasse inter Henricum Ducem de Luneborg & Land-  
graviū Hassiæ ab una, Archiepiscopum verò Mo-  
guntinum ab altera parte, & *Principes castra quædam*  
*ipsius Archiepiscopi potenter cepisse, nec illum valu-*  
*isse eis resistere.* Obsessio autem urbis Heiligensta-  
dii, de qua pluribus agit *Gudenus* l. c. refertur ad  
ann. 1404.

XLVII.

Interim, promulgata Cæsaris Ruperti in fontes  
sententia, tandem videntur animi pacati, & disces-  
sisse quoque Principes, cum belli sumptibus nimium  
gravarentur. *Chronicon* enim *Saxonicum vernacu-*  
*lum*, & ex eo alii, Duces Brunsvicenses magno ære  
propter hoc bellum gravatos fuisse memorant, & op-  
pignorasse tum. Senatui Brunsvicensi arces & præfe-  
cturas nonnullas, & quidem Assenburg, inque ipsa  
urbe Monetam & partes urbis, *Oldewick un Sack*,  
ut habent ipsa verba vernacula.

XLVIII.

Quomodo res transacta sit, & quibus conditio-  
nibus pax facta, non referunt Annales. *Nicolaus*  
*Serrarius* quoque ex Archivo Moguntino noluit pro-  
ducere sententiam Cæsaris in fontes latam, ideoque  
qui & quomodo condemnati sint, & cui supplicio de-  
stinati, ignorare cogimur. *Hartingshusum* quidem,  
à quo occisum esse *Fridericum* dixi, tandem captum  
esse

esse ab Henrico Duce, & dissectum in quatuor partes  
rotæ totidem in locis impositum. (*un leyt en leggen  
up veer ende up ein rad*) scribit *Chronicon Saxoni-  
cum* *vetus* vernaculum picturatum, quod sæpe cita-  
vimus, & illius solius fide videntur id referre, quot-  
quot referunt. Dubites tamen fortassis hac de re. Nam  
cum arcem Gebeldehusen, in qua erant, qui occide-  
rant *Fridericum*, occupassent Principes, illi evasisse  
memorantur à *Crantzio* aliisque: & *Autor Apologiæ  
Waldeccianæ* illum *Hartinghusum* diu deinde in mini-  
sterio Comitis Waldeccii fuisse, ex *Cassellano* quoque  
*Chronico* probare nititur.

LLIX.

Et ita quidem se habet optimi Ducis *Friderici*  
historia, uti ex *Annalibus* colligere illam potui. Lau-  
dant Principem omnes à virtute bellica & prudentia,  
justitiæque amore. *Cuspinianus* scribit, omnino dignum  
fuisse, qui imperii habenas tractaret, bellicosum & pruden-  
tem, nec minus *Albertus Crantzius Saxon. l. 10. c. 19.*  
vocat optimum & sensatissimum Principem, & qui multo  
labore ad justitiam & pacem contenderit, dignissimum  
imperio. Ut facile hinc æstimari possit, quanto cum  
damno publico, quantoque luctu, non suorum tan-  
tum, cognatæque gentis, mortuus sit, cum etiam  
tam multi Principes illius necis vindicandæ causa  
coadunati per plures annos bellum gesserint.

L.

Et verò dolendum, tantum Principem mortuum  
quoque sine masculis hæredibus. Uxorem, ut supra  
jam tum innui, cum alio respectu, tum pacis cum vi-  
cina Illustri Domo Saxonica, redintegrandæ causa,  
An



31  
*Annam* duxit, filiam Wenceslai ducis Saxoniae, quae ab ipso vidua relicta, dein Balthasari Landgrafio Thuringiae Ann. 1404. nupsit, cum qua non quidem in-foecundum conjugium habuit, filias tamen tantum duas suscepit, *Annam* & *Elisabetham*.

II.

*Annam* Fridericus senior, Dux Austriae, Comes Tirolis, mortua prima uxore Elisabetha, Ruperti Caesaris filia, copulari sibi fecit, ex eaque sustulit Sigismundum Archiducem Austriae, Wolfgangum, Margaritam & Hedewigen: cum quibus omnibus liberis suis in Monasterio Stams sepultam, notat *Cuspinianus*, qui omnium aetatis suae religiosissimam mulierem fuisse scribit, uti à mira pulcritudine non satis eam commendare possunt Annales. Altera *Elisabetha* Comiti de Schwartzburg, quem alii Henricum, *Cuspinianus* Guntherum nominat, matrimonio juncta plures ipsi liberos peperit.

F I N I S.

Corollaria.

I. *Jus Regaliae*, seu *Jus Regium in Vacantium Ecclesiarum redditus* & *proventus* (de cujus extensione hodie Christianissimus Rex cum Pontifice Rom. disputat) etiam olim habuisse Imperatores nostros, patet ex *Renunciationibus*, quas facere, urgentibus Pontificibus, coacti sunt. *Fridericus II.* inter initia quidem Imperii in *Bulla Aurea*, A. 1213. in gratiam *Innocentii III. Papae*, Tutoris & Protectoris sui, data, profitetur, se dimittere ab usum illum & refutare, quem in occupandis bonis vacan-  
tium



5644548

tium Ecclesiarum Antecessores consueverint committere. Idem tamen deinde, A. 1238, aliter animatus fuit, aliterq; etiam Principes Imperii senserunt. In Diplomate enim ejusdem Friderici II. dato Cremonæ anno memorato habetur, quod in Curia, dictante sententia Principum, sit obtentum, quod quilibet Imperator vacantibus Ecclesiis omnia usque ad eorundem electionem habere, donec electus ab eo regalia accipiat, debeat. At nihilominus postea A. 1275. Rudolphus I. Imp. confirmatione à Pontifice impetratâ, iisdem, quibus Fridericus II, verbis renunciare juri illi, & abusum appellare coactus est, datis litteris Lausannæ anno dicto. Mirum vero est, eodem tempore Reges Gallie & Angliæ hoc jus Regaliæ exercuisse, Pontificibus non contradicentibus; solis tantum Imperatoribus nostris, tam de aliis, quam de hoc jure tantas lites esse motas à Romanis Pontificibus. Imò, cum maximis animorum motibus collisi inter se essent Bonifacius VIII. & Philippus Gallie Rex, non tamen ipsum usum improbatum Papa, sed abusum tantum, quod scilicet Rex redditus illos non moderatè percipiat, sed immoderatè consumat, ut patet ex ipsis Bonifacii litteris è Bibliotheca Cardinalis Balnei editis, proposita deinde in Articulis Pacis moderatione quidam. In Germanico vero Imperio sublatum in totum jus illud voluerunt Pontifices.

II. Ludovicus Maimburgius, nuperus Historiæ de Lapsu Imperii scriptor, ubi cap. v. de Ottone IV. ex Brunsvic. & Lyn. eb. Ducum Serenissima Domo Imperatore agit, non in omnibus veritatem assequitur, quam discere potuisset ex Apologia pro optimo Imperatore ante annos sexaginta edita.

Erratum. th. xv. lin. 10. pro Bernhardus l. Henricus lin. 12. pro Henricus l. Bernhardus.